



---

Broj: 05/1-50-13-29-15-3/15  
Sarajevo, 30. 12. 2015. godine

## ZAPISNIK

### 15. sjednice Nezavisnog odbora Parlamentarne skupštine BiH

Sjednica je održana 30.12.2015., s početkom u 8 sati.

Sjednicu je sazvaao Žiko Krunić, predsjednik Nezavisnog odbora.

**PRISUTNI ČLANOVI NEZAVISNOG ODBORA:** Žiko Krunić, predsjednik Nezavisnog odbora, Enes Obralića, prvi zamjenik predsjednika Nezavisnog odbora, Ilma Mehić - Jusufbašić, Adisa Begić, Nikola Džambas, Ljubomir Kuravica, Miroslav Škorić, članovi Nezavisnog odbora.

**OPRAVDANO ODSUTNI:** Mato Jozić, drugi zamjenik predsjednika Nezavisnog odbora, i Mate Miletić, član Nezavisnog odbora

**OSTALI PRISUTNI:** Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH i Dijana Šatara, predstavica OHR-a.

Predsjednik Nezavisnog odbora Žiko Krunić konstatirao je da postoji kvorum i otvorio 15. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

## DNEVNI RED

1. Usvajanje Zapisnika 14. sjednice Nezavisnog odbora;
2. Razmatranje Prijedloga plana rada Nezavisnog odbora za 2016. godinu;

3. Razmatranje Informacije Državne agencije za istrage i zaštitu BiH o događajima u Novom Gradu 10.12.2015.;
4. Tekuća pitanja.

#### **Ad.1. Usvajanje Zapisnika 14. sjednice Nezavisnog odbora**

Zapisnik 14. sjednice Nezavisnog odbora usvojen je jednoglasno, bez primjedbi.

#### **Ad.2. Razmatranje Prijedloga Plana rada Nezavisnog odbora za 2016. godinu**

Predsjednik Nezavisnog odbora Žiko Krunić otvorio je raspravu o ovoj tački dnevnog reda. U raspravi je učestvovala većina članova Nezavisnog odbora, te je nakon rasprave uz određene izmjene i dopune jednoglasno usvojen Plan rada Nezavisnog odbora za 2016. godinu. Plan rada Nezavisnog odbora za 2016. godinu će se uputiti Parlamentarnoj skupštini BiH u dalju proceduru po usvajanju Izvještaja o radu Nezavisnog odbora za 2015. godinu.

#### **Ad.3. Razmatranje Informacije Državne agencije za istrage i zaštitu BiH o događajima u Novom Gradu 10.12.2015.**

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je informacija o događajima u Novom Gradu dostavljena svim članovima Nezavisnog odbora na uvid te da smatra kako je ova informacija potpunija i detaljnija te je otvorio raspravu. Za riječ se kratko javio prvi zamjenik predsjednika Enes Obralića koji je želio da pohvali Državnu agenciju za istrage i zaštitu BiH i njihov način na koji su se obratili MUP-u RS-a. Također je naglasio kako smatra da se čitav ovaj događaj ispolitizirao putem sredstava javnog informiranja, a da je rukovodstvo Državne agencije za istrage i zaštitu BiH veoma profesionalno i stručno reagiralo bez komentiranja. Član Nezavisnog odbora Miroslav Škorić naglasio je kako je on inicirao da se od Državne agencije za istrage i zaštitu BiH zatraži ova informacija jer smatra da i Nezavisni odbor kao nezavisno tijelo mora dobiti informaciju o pomenutim događajima.

Članovi Nezavisnog odbora jednoglasno su primili k znanju Informaciju Državne agencije za istrage i zaštitu BiH o događajima u Novom Gradu 10.12.2015.

#### **Ad.4. Tekuća pitanja**

U okviru ove tačke dnevnog reda za riječ se javio član Nezavisnog odbora Miroslav Škorić koji je ponovo ukazao na potrebu izrade službenih iskaznica, odnosno propusnica koje članovi Nezavisnog odbora još nisu dobili te je dogovoreno je da se rukovodstvo Nezavisnog odbora sastane sa sekretarkom Zajedničke službe Parlamentarne skupštine BiH u vezi s ovim pitanjem.

Također, članovi Nezavisnog odbora otvorili su i pitanje vezano za naknade za rad u Nezavisnom odboru te su nakon rasprave donijeli

### **ZAKLJUČAK**

Uputiti dopis Zajedničkoj komisiji za administrativne poslove Parlamentarne skupštine BiH a vezano za primjenu Zakona o dopunama Zakona plaćama i naknadama u institucijama Bosne i Hercegovine.

Predsjednik Nezavisnog odbora Žiko Krunić zaključio je sjednicu u 9 sati.

**SEKRETAR**  
**NEZAVISNOG ODBORA**

Ivana Lovrić

**PREDSJEDNIK**  
**NEZAVISNOG ODBORA**

Žiko Krunić